

KONTROL MOZIOA

Dbuseko zerbitzuak murrizteari buruzkoa

Garbiñe Alkiza Lopez de Samaniego EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2021eko irailaren 20an Gune Publikoen Batzordean aurkeztutako interpelazioaren ondorioa da.

JUSTIFIKAZIOA

2021eko maiatzaren 11n 970/2020 Errege Dekretua jarri zen indarrean, hiriguneetan abiadura-muga berriak ezartzen dituen. Arau hori betetze aldera, Udal Gobernuak 30 km/h-ko abiadura muga ezarri du bide guztietan, garraio publikoan eragin handia dutenetan izan ezik; abiadura-muga horrek garraio publikoaren funtzionamendu egokiari kalte egiten badio, 40 km/h-ko muga izango dute. Donostiara sartzeko bideetan, aldiz, abiadura-muga 50 km/h-koa izango da.

Arau aldaketa berriak eragin zuzenak izan ditu Donostiako autobus-garraio zerbitzuetan; batez ere, haien ibilbidea larri egiten zuten autobus lineetan. Hortaz, hainbat zailtasun eragin dituzte Dbusen linea batzuetan orain arteko ordutegiak betetzeko.

Argi dago Donostia “30 hiri” bihurtzeak aldaketak eragin dituela hiriko mugikortasunean, eta hortaz ezinbestekoa dela hiriko garraio publikoa aldaketa horietara egokitzea, eta egungo zerbitzua mantentzeko ahalegina egin eta neurri berriak ezartzea.

Donostiako Udaleko Mugikortasun Sailak eta Dbusek hainbat neurri ezarri dituzte aldaketa berri hauetara egokitzeko, baina zoritxarrez neurri horietako bat Dbuseko zerbitzuetan murrizketak ezartzea izan da.

Irailaren 1etik aurrera linea hauek izan dira murrizketak jasan dituztenak:

31- Intxaurren-Ospitaleak-Altza

31. linearen ibilbidea aldatu egin da Altzan barrena, eta, Garberako biribilgunetik abiatuta, Garbera, Marrus, Lauaizeta, Leosiñeta, Larratxo pasealekutik Larratxoraino joango da.

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

Diseinu berriarekin Renfe Herrera, Pikabea, Santa Barbara, Nerecan, San Martzial eta Martillun geltokiak 31. lineatik kanpo geratu dira.

35 – Antigua-Aiete-Ospitaleak

Urnieta kaleko bi geltokiak kendu dira, eta Matia zentroko hiru zerbitzuak ere kendu dira.

43- Anoeta-Igara

Ibilbidea 40 minutura luzatuko da gutxienez goizeko eta eguerdiko zerbitzu guztietan. Madril etorbideko 3. zenbakitik eta Igaratik egiten diren egungo irteerak aldatu egin dira. Igarako irteerak sei izatetik bost izatera pasatu dira.

46- Morlans

Ibilbide berri bat gehitu zaio 46-Morlans lineari. Linea horrek 60 minutuko maiztasuna izango du hemendik aurrera eta Ategorrietaraino eta San Antonio-Montesoleraino luzatu da. Aldaketa honek Morlanseko garraio publikoaren maiztasuna okertu du, bikoiztu egin baita.

Argi dago, murrizketa guztietatik, kalte gehien jasan duen linea 31.a izan dela, azken aldaketa honekin sei geltoki geratu baitira bertan behera. Murriztapen honek auzotarren kezka eragin du, eta ekialdeko hainbat elkartek egoera honi soluzioa emateko sinadura bilketa jarri zuten abian. Guztira, 660 sinadura jaso eta Udalean erregistratu zituzten.

Baina ez hori bakarrik: irailaren 15ean egindako Ekialdeko Barrutiko Batzarrean, 31. linea berrezartzeko eta ekialdeko mugikortasuneko aztertzeako akordio-proposamena onartu zen aho batez.

Irailaren 20an egindako batzordeetan Mugikortasuneko zinegotzi ordezkariari galdetu genion, Ekialdeko Barrutiko Batzarrean adostutakoari erantzunez, Udalak baliabideak jarriko ote zituen 31.lineak orain arteko zerbitzua edo parekoa mantentzeko; eta Ekialdean egin bezala, Morlanseko mugikortasuna aztertzeako saiakera egingo ote zuten, ugari izan baitira bizilagunen kekek.

Zinegotzi ordezkariak ez zigun erantzun zehatzik eman gai horien inguruan, eta orain arte esandakoak errepikatzen mugatu zen; hala nola, erabiltzaile gutxiago dituela egun Dbusek, Udalak dagoeneko diru-ekarpen nahikoa egiten duela eta itxaron egin behar dela.

Gure ustez, aldiz, murrizketak jasan dituzten ekialdeko eta Morlanseko bizilagunek erantzun bat behar dute jada, eta murrizketa hauei irtenbide bat eman behar zaie behingoz.

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

- Donostiako Udalbatzak hertsiki eskatzen dio Udal Gobernuari irailaren 15ean egindako Ekialdeko Barrutiko Batzarrean Dbusek Ekialdean dituen lineen zerbitzuak hobetzeko aho batez onartutako akordio-proposamena bere egin eta bete dezala.
- Donostiako Udalbatzak hertsiki eskatzen dio Udal Gobernuari 46. linearen aldaketak Morlanseko auzoan eragin dituen maiztasunak auzokideekin berraztertze eta lehendik zituen maiztasunak edo haren antzekoak izan daitezkeenak mantentzeko baliabideak jartzeko.

Donostian, 2021eko irailaren 23an

Garbiñe Alkiza Lopez de Samaniego
EH BILDU udal taldeko zinegotzia